

**Altjumpfere Litanii**

Ach liebe hei - li - ge Sankt Flo - ri - an. Lueg dui  
 4 mich ai vo hinne und vo vo - re an. Lueg ob - si und nid - si bis  
 7 ab - be uf s'Schueh: Meinsch bin i zum Hii - rate nu niid al - ti  
 10 gnuég?

Ach läbe heilige Sankt Florian.  
 Lueg dui mich ai von hinne und vore-n-an.  
 Lueg obsi, lueg nitzi bis abbe-n-a d Schue,  
 meinsch bi-n-i zum Hirate nu nid alti gnuég?

Ach läbe heilige Sankt Fridoli.  
 We hibschi bi-n-i ai vor zwänzg Jahre gsi.  
 Jetzt gwaglet mer afig da vore-n-ä Zahnd,  
 schuscht wär miini Hibschi nu guet binenand.

Ach läbe heilige Sankt Johann Baptischt.  
 Wenn dui wisstisch, we's mängisch de Jumpfere ischt,  
 de tätisch dui sälber z Nacht mid äne gah,  
 go Chriitli go sueche de Bändere-n-a.

Ach läbe heilige Sankt Bartilime.  
 Hesch dui mier ebbe schon eine gseh?  
 Eb är alt, eb är jung, eb är gross oder chlii,  
 ich bi gwiss nid heikel, nur bring mer nä gli.

Ach liäbe heilige Sankt Peter und Pail.  
Ich bruiche kei Riiche mit Charre und Gail.  
Äs tät is schon eine mid äre Geiss,  
ich miässt ja nid midäre uf d Hochsigreis

Ach liäbe heilige Sankt Jakob und Andräs.  
Ich gäbe-n-iich Ziger und gäbe-n-iich Chäs  
und Anke gwiss meh als fiifzäche Pfund,  
wenn hit eine zuemer stubete chund.

Ach liäbe heilige Sankt Michel und Sankt Laurentius.  
Ich gäbe-n-iich hit nu ä Chratte voll Nuss,  
wenn iehr mier chenntit nu eine zuehaa,  
wo sich gleitig vo mier wett la hiirate laa.

Ach liäbe heilige Sankt Antoni und Sankt Hilar.  
Und wurde-n-ich ai uber 97 Jahr:  
Ich stirbe gwiss nid, bevor i eine ha.  
Ich gah nid i Himmel ohni ä Maa.